

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 9/5

17 մայիսի 2016 թ.

Քննարկվեց «Յան Լեջենդա» ՍՊԸ գանգատը ՀՀ ԿԱ ՊԵԿ աշխատակազմի իրավաբանական վարչության պետի 24.03.2016թ-ի թիվ 317071/02 որոշման դեմ:

«Յան Լեջենդա» ՍՊԸ գանգատում բերված փաստարկները.

24.03.2016թ-ին ՀՀ ԿԱ ՊԵԿ աշխատակազմի իրավաբանական վարչության կողմից կայացվել է թիվ 317071/02 որոշումը, համաձայն որի «Յան Լեջենդա» ՍՊԸ-ի տնօրեն Սուսաննա Վերմիշյանը ՀՀ օրենսդրությամբ սահմանված ժամկետում ՀՏ չի ներկայացրել ԵՏՄ ներմուծման հայտարարագիր և ենթարկվել է 20.000 դրամ վարչական տույժի:

Գանգատաբերը տեղեկացնում է, որ «Յան Լեջենդա» ՍՊԸ-ն 2015թ-ի սեպտեմբերի 8-ին և սեպտեմբերի 29-ին ԵՏՄ անդամ երկրներից անհատույց ստացել է ապակե նմուշային տարաներ, որի համար ուղարկող կողմը որևէ հաշվարկային փաստաթուղթ չի ներկայացրել: Ըստ այդմ, «Յան Լեջենդա» ՍՊԸ-ն ԵՏՄ ներմուծման հայտարարագիր չէր կարող ներկայացնել:

Բացի այդ, «Յան Լեջենդա» ՍՊԸ-ն չի հանդիսանում արտադրող և վերը նշված ապակե նմուշային տարաները ցուցադրվել են մատակարար կազմակերպություններին որպես նմուշ, որի մասին 24.02.2015թ-ին գրությամբ տեղեկացվել է ՀՀ ԿԱ ՊԵԿ Կենտրոնի ՀՏ-ին:

Ելնելով վերոգրյալից և հաշվի առնելով այն հանգամանքը, որ ՀՀ օրենսդրության մեջ առկա չէ որևէ պարզաբանում նման դեպքերի համար, գանգատաբերը խնդրում է վերանայել ՀՀ ԿԱ ՊԵԿ աշխատակազմի իրավաբանական վարչության պետի թիվ 317071/02 որոշումը:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ՀՀ ԿԱ ՊԵԿ աշխատակազմի իրավաբանական վարչության պետը, քննելով 17.03.2016թ-ի վարչական իրավախախտման վերաբերյալ արձանագրությունը և կից նյութերը պարզել է, որ «Յան Լեջենդա» ՍՊԸ տնօրեն Սուսաննա Վերմիշյանը սահմանված ժամկետում չի ներկայացրել ԵՏՄ ներմուծման հայտարարագիրը: Նկատի ունենալով, որ արարքը նախատեսված է «Վարչական իրավախախտումների վերաբերյալ» ՀՀ օրենսգրքի 169.1-րդ հոդվածի 2-րդ մասով, ուստի ղեկավարվելով նույն օրենսգրքի 32-րդ հոդվածի 2-րդ մասով, 244.2-րդ, 281-րդ հոդվածներով և 282-րդ հոդվածի 1-ին կետով ՀՀ ԿԱ ՊԵԿ աշխատակազմի իրավաբանական վարչության պետի կողմից 24.03.2016թ-ին ընդունվել է վարչական իրավախախտման գործի վերաբերյալ թիվ 317071/02 որոշումը (այսուհետ նաև Որոշում), որով Սուսաննա Վերմիշյանը ենթարկվել է վարչական պատասխանատվության՝ գումարով 20.000 դրամի չափով:

Կ.ՄԻՐՈՒՄՅԱՆ